

四庫全書

集部

欽定四庫全書

至正集卷十八

元 許有壬 撰

律詩

七言六十一首

和傅汝礪見寄韻

二首

江水舟航日夜東
故人音問得常通
君才能挽千鈞筆
老我惟懷一畝宮
自古山林容小隱
只今臺省有諸公
欲知別後詩成處
都在花香竹影中

春紅園圃眩西東
花下縈紆一逕通
不向雷門操布鼓
要從人海見珠宮
多言浪負三千牘
老夢都言十八公
珍重吾宗有成訓
人間何似在山中

雨後行小圃

一徑縈紆踏城沙
手分竹樹亂交加
門庭無客恰遂懶
城郭有山尤可家
江梅結實青於葉
海榴發芽紅似花
盆池才著斗許水
其奈聒人多少蛙

青山高竹樓別業
昔嘗題詩其壁
詩故在而竹樓

物故三年矣感而賦詩

故人別墅俯青郊曾許幽人近結茅苔蘚雨荒留舊壁
竹林雲矗見新梢樓成白玉山無主鱗出黃金客有殽
悵念同游歌楚些風聲蕭颭鳥咬咬

題竹樓墓

青冥垂翅共傷心況是寒牕早盍簪十載故山曾有約
一朝喬木遽無因先塋在眼雲林合孤塚回頭宿草深
千頃畝鍾何所用故人徒辨淚沾襟

青山書懷

不見青山又七年眼前風物故依然乾坤逆旅自無盡
松竹主人俄已仙山色遠明新雨後松聲清到小牕前
淮南種柳桓司馬白髮重來亦可憐

和劉光遠韻

二首

自笑閒人有底忙韶華無盡待詩償旗旄炫世真如夢
岳壑留題有夜光北闕上書聊自試南方論學尚多強
故人桃李何飄忽荒却平生幾處莊

霜袍泥轍半生忙夙願而今且一償
海上有樓皆蜃氣人間無劍是龍光
山林到處何肥隱德業終身貴自強
何用門前栽五柳但存松竹即吾莊

青山回途中即事

風日清和眼界寬碧天無際遠浮山田疇得水雨初過
籬落有花春未還樹影半涵清淺處鳥聲多在翠微間
不因三日盃盤盡老子遨嬉興未闌

汪華玉為撫州經歷其父梅隱就養未幾歸孝感

虞伯生楊賢可有詩餞之過鄂求詩次二公韻以

贈

梅隱用子
貴贈縣尹

推恩就養樂耆年教育功成本父賢
松受官封仍偃蹇梅從人隱更嬋娟
子能力辦臨川幘翁喜空回夢澤船
歲晚過從應有日衆芳搖落看暄妍

人間官爵總虛名樂在天倫恰是榮
封縣不將鳧作幻還官自有鶴來迎
山中酒已三年醞江上舟纔幾日程
我卜菟裘近仙里願從鄉社慰平生

和大別石壁禪師韻

四首

禹柏撐雲振古青老禪相對各忘形
午茶香動風生席
夕磬聲沉月轉亭欲借閒田同放浪
先承佳句慰飄零
漢江秋色將清徹莫負沙頭雙玉瓶

秋來大別轉青青老眼憑高藐萬形
物外尋常清濁酒
人間多少短長亭勝游要歷千年徧
涼意方催一葉零
我羨鵲夷差解事并湄誰道不如瓶

蓬鬢從知不再青人生何苦自勞形
鑿渠引水來花逕

種樹招雲護草亭風景宜人新領畧交游回首半凋零
等閒得似空門樂一鉢蕭然對一瓶

晴川芳草勝丹青天遣南來此寓形無地避人依梵宇
有時乘興到江亭山明錦樹雲猶熾天近金莖露未零
殘暑滌除須一雨煩師傾倒貯龍瓶

送元景悅赴茶陵州學正

青年肯與世浮沉試用才知造詣深載籍聖賢垂道統
此邦今古號儒林不虞政似求全毀惟數毋忘學半心

後會鄙人當刮目莫教與羽勝鉤金

同劉光遠過漢陽

兩郡相望未惜遙片帆飛渡不終朝
冰漸縈帶浮槎去
霜氣侵凌宿酒消何地不堪容杖屨
此生端合老漁樵
前村定有叢梅發時送清香過小橋

陪晴江國王宴秀野園夜分醉歸

帶葉黃柑露未晞出罍鮮鯉冷添肥
年來到處行樂好
夜半絕紅乘醉歸湖海自憐豪氣在
星霜轉覺故人稀

嚴城小尉雖多事不問鸚洲舊布衣

題徐復初竹西佳處亭

四山修竹總相宜何事尋幽獨愛西
萬里風來龍起舞
一輪日落鳳來栖揚州陳迹久無夢
江夏勝游新有題
見說主人歸不遠好開三逕徧扶藜

神山即事

京塵汨沒已華顛恰是山居第一年
松月照牕詩入聖
竹風吹榻夢游仙
隨人久作悠悠者處世方知綽綽然

尚愧未能忘口腹時勞昆季致肥鮮

和謝敬德學士見寄韻

二首

平生疎懶是天姿今歲春來起亦遲
好酒或如陶靖節杜門深愧鄭當時
向來事業惟供笑如此風光忍廢詩
館閣真才試枚舉鵠山陪預恐難期

淡靄輕風弄野姿江天寥廓鳥飛遲
從知宇宙多閒地誰信襟懷勝舊時
夜雨不驚逋客夢暮雲猶入故人詩
山中亦有陽春曲拂拭朱絃待子期

得請歸出齊化門述懷

弱步豐扛遂息肩
聖君恩德大於天
對廷已負三千字
伴食空糜幾萬錢
野店尋詩先具酒
罪人逢赦便昇仙
今朝拂袖都門道
江漢西壩有瘦田

得請之難言不可盡
因得第二聯既出都門始足成之

短髮年來坐苦吟
等閒添得雪盈簪
百錢擲地皆成字
一芥投針適中心
不是清時人棄置
自緣多病老侵尋

賓朋應道予歸好幾處壺觴候柳陰

中書疑予行前一日既大設祖翼日又遣使具牲醴追送通州走筆付使者以謝諸公

梨園樂府太官羊病久餘醒豈易當敢學聖賢三宿去漫沾牲醴一船香已知腹負將軍久更笑詩酬使者忙此去江湖足魚蟹故人天上貴相忘

始食蒲笋品味在竹笋上

渭川常羨錦襖兒盤饌今朝得此奇心卷清冰微有暈

肪裁寒玉瑩無玼開鄉甘脆應無敵風味豪華定不如
好與散人供口腹休教長到作輪時

小酌薦以巨鯽新藕蒲笋

肴蔬鮮潔酒清醇病戒貪饒止半醺領畧江湖新品味
洗除腸胃舊羶葷心無多事尚營口食到萬錢難報君
藜藿乳豚同一飽世間何物不浮雲

直沽買魚其賤十倍都城

錦鱗堆積照行庖羹膾隨宜飫老饕自是窮鄉如土賤

莫詢頽尾為誰勞小兒却恨辭官晚貪僕猶嫌索價高
因歎人心何太忍更教烹煮自輸膏

舟中午日憶去年此日過桑乾嶺有詩因用其韻
二首

軒車穩出九重城一舸搖搖載月行節序迫人無可樂
詩書用世竟何成清風遠樹黃鸝囀落日滄波白鳥鳴
休吊湘纍歌楚些老夫親和扣舷聲

去年馳驛度長城豈意扁舟遂此行一笑病餘仍酒困

幾年身退為功成
管花管竹心無老
觀水觀山眼尚明
好在衡茅不歸去
松風誰聽月中聲

詠陶郭

元亮子儀俱作令
一居彭澤一中書
中書考歷二十四
彭澤日才八十餘
昔人久速有深意
易地行藏無異閭
愚哲古今霄壤隔
希賢惟是賦歸歟

晚至舊縣

笑據胡床看落暉
水風蕭颭動絺衣
鐘鳴煙寺片帆落

鴉滿雲林獨鶴歸小店旋筍醅酒軟濁波新出鯉魚肥
莫言傾倒雞豚杜此樂雖微世已稀

歸至鄉里拜先塋

多病承恩聽避賢得攜兒女拜洹阡無親底用過三釜
有淚無由達九泉故里山川勝圖畫佳城松柏護風煙
立身揚顯愚何敢且幸歸來不辱先

出郭

萬事勞心雪滿頭還家纔得事遨遊太行雲盡清浮曉

洹水霜餘碧染秋漸老始知閒有味此回真與世無求
溪山好處鴟夷滿况有風流老郡侯

謁韓諫議墳

考譜披圖總未真兩回親得拜公墳降神生作三朝相
聚氣噓為五色雲宅兆發靈符厚德碑銘無愧有奇勲
憑高更欲推形勢遠樹啼鴉不忍聞

墨竈山次杜緱山先生韻

丹霞圍鎖翠潭潭仰面青天鏡出函解組已能辭好爵

判山還欲署新銜，冷傳霜信風生谷。
清透雲根，月滿岵。却憶江南舊林壑。
幾多煙霧護松杉。

峒峪山寶嚴寺

二首

擇勝何年著梵宮，日窮猶未盡重重。
翠紅照耀三千界，屏帳周圍十二峰。
雪澗清泉響寒玉，雲岵喬木捲蒼龍。
尚憐不盡登臨興，天際危亭見五松。

煙嵐融翠濕濛濛，石路縈紆細入空。
明月百壺松影下，清風一榻水聲中。
聖燈不為吾儕見，俗樂誰教釋子通。

兩宿豈能窮勝事山門愁見馬頭東

次王君實都事韻

故老凋零似曉星遣懷誰和短歌行
直教松檜空雲壑猶逐衣冠戀玉京
金井夏闌冰未泮紫垣天近月偏明
可憐門下三升酒不信能澆硯礪平

五車未試髮先華稊米何能效國家
已愧傅岳陳麴蘖欲從勾漏問丹砂
內官時餽雲腴釀南僕能烹粟粒芽
回首燕都天咫尺有人深夜候燈花

和伯生韻贈崇真宮魏道士

身已支離髻已了夕斜沆瀣曉餐霞人間白髮不能黑
方外青山便是家上谷荒林惟有石天台流水久無花
崇真宮裏相逢處欲扣真詮日又斜

代祀壽寧宮贈蘇侍郎

粉闌長日簿書閒禮法拘人一笑難天子九重頒信
幣侍郎三日佐祠官茶餘延話風生闕朝退哦詩月滿
壇但恨無緣駐清景雲璈聲斷燭花殘

游魯國大長公主園

公主乘鸞已上仙手栽花木尚依然滿階紅藥春無恙
夾道蒼松老愈堅鄒子能回寒谷氣韓湘曾握化工權
繁華過眼君休羨華屋山丘正可憐

六月朔留守官進芍藥

六龍到處是陽和上苑名花得最多羅帕籠香來黼展
玉瓶添水付仙娥開遲只是留春者養小其如玩物何
殊死一言臣有獻中陵今日富菁莪

得家書

別來三旬屢得書書言不盡意勤渠一瞻安字憂成喜
幾向明牕卷復舒兒學女工俱有進廩儲囊積任無虞
歸期只待秋風起一束離愁即破除

次伯庸韻荅王可矩左司

乾坤開闢壯神州季子重來已敝裘太古山川渾是畫
廣寒宮闕最宜秋人間濁酒難為醉海上靈槎尚可浮
深愧清時無寸補但形詩頌繼商周

寄趙伯寧中丞

走馬灤京獻納來，翠紅鄉裏得徘徊。
行厨無物非君賜，相府有花皆手栽。
休恨相逢還判袂，且圖一見便銜杯。
雪林好在秋風菊，應貯芳醪待我迴。

王致和鍊師將歸四明求詩為贈

宣室年年侍祝釐，鄉心空逐白雲飛。
壺中有宅聊為隱，畫裏觀山未是歸。
京國春風玄髮改，鑑湖秋雨紫萼肥。
品前手植青松樹，為問而今大幾圍。

寄閑閑宗師

崇真宮裏幾徘徊底事詩仙望不來
檻擁翠雲惟枸杞庭閒清晝有莓苔
平生多誤依劉至老子真如訪戴回
善視黃花多備酒今春已負牡丹開

和謝敬德學士入關至上都雜詩

十二首

培塿纍纍幾附庸一關獨在碧霄中
九千保障空秦塞百二山河護漢宮
天近馬隨雲上下峰回人忘路西東
頻來傳吏渾相識但訝終童變老翁

眩目品花落又開避人幽鳥去還來山僧饋餉惟清茗
石媪衣裳滿綠苔琴峽注泉成樂奏梵書隨石盡碑材
前途定憩榆林驛游子休歌標有梅

雜還牽黃復臂蒼清晨校獵陣雲長一圍塘樂如平地
五月郊原有肅霜飲至幕庭羅酒渾周陞飛騎謝津梁
先生已得毛錐力更欲崆峒倚步光

逐兔弓良不用蹄種蕎坡峻馬能犁土山無樹遠如近
沙路有風高又低幸遇清時免投筆却憐華髮不勝簪

寒暄南北都休校一醉當令萬物齊

涼亭雨過長蒲茸使者求魚月向東黃鼠頰肥秋後草
海青多逸曉來風庖羞水陸八珍聚琛貢梯航萬國通
射獵寧非男子事莫言丁字勝強弓

閭闔紅雲蕩蕩開天光萬象被昭回東風清暢來三島
西日微茫認五臺沙果荆藍資上谷玉醅金竿瀉懷來
茂陵可笑徒英武歡樂當知極便哀

上苑蒼松受雪歌石城畫角帶霜吹人雖狗監知文士

世是鷹房襲小兒
梵剎能司天禍福
經筵時論國安危
豐扛弱步歸無勇
退食多慙詠素絲

聖德如天萬彙新
遠柔窮漠會宗親
錦鞬掣紲蒼鷹健
玉輅鳴鑾白象馴
北闕風雲遭泰運
南宮星月有詩人
秋期應放疎慵去
不望分符綰玉麟

鴈落長空迹篆沙
鳴嚆驚起一行斜
小車細馬醉時路
豐草甘泉到處家
已解皮囊傾馬漣
更搯銀鉞試龍茶
玉脂響泣皂羊熟
鼻觀風香野韭花

翠樓天際鬱崢嶸
粉澤龍岡壯帝京
地勢遠連棕殿起
簷牙高並鐵竿撐
葱葱佳氣歸環極
穆穆昌期見迓衡
長樂退朝容緩轡
斷雲收雨半山明

長日官曹似馬曹
絲桐特得事吟猱
救時乏策當投綬
遣興成詩敢奪袍
白海波隨秋雨漲
黑山雲壓晚虹高
清尊常滿朋簪盍
誰道驅馳我獨勞

尚服三庚進紫綃
清冰沙底未全消
魚龍陸海無宮市
鼓吹饒歌有徵招
自在千年蒼鹿健
閑粧三日玉驄驕

最憐學士神仙福終日吟詩不造朝



至正集卷十八

欽定四庫全書

集部

至正集卷十九至二十五

詳校官編修臣錢樾

侍讀臣孫球覆勘

總校官降調編修臣倉聖脉

校對官中書臣李斯咏

謄錄監生臣陳庭梓

欽定四庫全書

至正集卷十九

元 許有壬 撰

律詩

七言五十七首

省中對雨獨坐

風土迎秋便作寒
隔簾飛雨更班班
可人几榻清如洗
終日情懷淡似閒
牕影天開千丈闕
牆頭雲放一分山
腐儒獨坐成何事
寫出新詩亦強顏

寄東曩

從軍苦樂不難明肯使毛錐負此生
鐵騎蹴雲秋校獵
油幢敲雨夜論兵
髮應瘴癘催全白
詩為江山助益清
詔下凱旋今有日
阿綿聞已候門迎

紫菊和伯生韻

天付幽妍處
士花誰將朝服苦
相加薇垣有露沾
秋色
芝嶺無霜抗日華
嶰出更宜彭澤酒
笋香誰羨建溪茶
坡仙一語誰駿茂
只在姚家與魏家

崇真宮葵花

繞砌亭亭晝影閒相逢幸及未開殘紅粧洗露尤宜曉
素性傾陽不畏寒聖化薰陶等燕越仙家培植有殷韓
江山信美非吾土且向西風笑倚闌

宿洪贊徐千戶家再用舊韻

半生塵土阻尋幽常羨幽人不識愁花卉地寒多及夏
軒扉山近鎮含秋謀身未辦三間屋濯足何須萬里流
此去此懷休戚戚好從高士老南州

喜聞可與至京

鶴樓東北望燕城幾處關河幾日程
四載三回勞遠慰
兩都千里尚難并
開書報喜身常健
見我應憐老可驚
咫尺對床風雨夜
此懷多少待君評

鶴磯解舟

二首

年來心迹已蹉跎
尚恨閒門雀未羅
夢裏雲開衡岳曉
眼前水落洞庭波
三山黃鶴九天去
兩岸青帘一棹過
此去不煩漁父問
酒闌當和扣舷歌

沙羨湖上有漁簑又買南舟意若何城遠愈觀樓閣好
天寬惟覺水雲多江山窮勝心猶壯塵土迷官鬢已皤
不怕寒燈挑夜雨羈人今入散人科

金口驛和董仲達壁間韻

二首

不須荆棘歎銅駝且對溪山卷白波千載文章誰屈宋
一天風物苦陰何詔歸自幸猶身健賈售從疑貨未多

安得之人挽椽筆為予揮洒醉時歌

仲達進士南臺察
掾工於書從予按

廣東郵作多
所勝故云

休笑劉才似疥駝却曾學海飲餘波老來拈筆聊復爾
身後得名能幾何彭澤田荒攜酒少漢江船小載詩多
故人若問南行事要續瀟湘歎乃歌

宿鴈州和黃文復韻

二首

久佩葱珩從八鑾故人今始接餘歡蕭然華髮已呈老
敝矣黑貂猶耐寒歲晚江空知已在調高絃絕嗣音難
天涯儘有荒涼處政爾幽人興未闌

透空漁笛一聲飛天水迢迢醉眼迷萬頃蒼煙沙鳥沒

半規紅日竹雞啼，向名今古有蕙滋。行路江湖無蒺藜，
但得魚羹了心事，等閒誰更析人圭。

泊茅步和文復韻

二首

少日身名恐陸沉，因成漂泊到如今。腐儒何預世路險，
故人不來江水深。白鳥破煙三四點，紫崖崩雨幾千尋。
茅舍竹籬梅正發，天寒日暮負登臨。

一舟窮日走三湘，忙每思閒閒又忙。水帶雪來巫峽近，
鴈拖雲去楚天長。賦歸後世知元亮，干祿當時笑子張。

底事鱸魚偏得味幾年沙漠飯東牆

茅步和劉光遠韻

二首

已知行潦愧長江猶抱初心不自降
半世有詩多在客萬言無策可興邦
霜風寒奪茅柴味澤國清傳欸乃腔
珍重湘翁招我隱已栽松竹近漁缸

片帆十里汴寒江湖海元龍氣未降
萬頃風濤縻客棹一天煙雨畫漁邦
瓶梅為我香浮坐尊酒著人春滿腔
醉墨淋漓隨廢擲不煩為礎復為缸

發臨湘和文復韻

二首

霜空鵬鶚任橫飛，飛倦知還尚未遲。
商嶺老來芝可采，葛陂歸去竹堪騎。
徜徉方外無何境，收拾人間不盡詩。
坎止流行隨處樂，何須三匝揀寒枝。

宋鷁從人笑，退飛湘君有約，怪歸遲。
雲間鳳鳥難羅致，天上麒麟好借騎。
騷國幾回悲落木，君山明日要新詩。
梅花樹下旗亭酒，莫羨江珧與荔枝。

登岳陽樓

半空輪奐壯巴丘消得騷人一繫舟雲氣遠攜湘雨至
湖光寒入蜀江流山川信美非吾土天地無窮有此樓
三十四年如夢過可憐華髮賦重游

君山阻風

兩日肩輿興未闌孤舟留滯亦成歡洲添沙出寺逾遠
風卷水回湖欲乾醅蟻綠浮春破臘燭花紅落夜驚寒
天將增飾君山景要我明朝雪裏看

喜雪

陰風翦水夜霏霏似愛游人
不遣歸山學湘君為縞素
霰疑淵客獻珠璣花開萬木
春難畫雲壓重湖凍不飛
水玉光中棹歌起此行奇觀
百年稀

宿澧河口和文復韻

二首

白頭新自日邊來却愛荒寒
野渡隈澧水縈紆龍尾動
湖天空闊鴈聲哀煙霞紫府
高人去風雪青燈好夢回
我欲長沙拚夜醉莫教名利
定三臺

勝事關心得得來繫舟長傍
白雲隈已憐韓子懷孤憤

更笑陳思賦七哀
楚國凋殘騷筆在
君山游徧酒船回
江湖儘有歡娛地
莫問狂奴借釣臺

黃陵廟

黃陵廟下草萋萋
水遠山長聽竹枝
末路不求同死處
重華寧有再來時
霜筠苦淚留千古
野樹愁雲接九嶷
珍重韓公修廢墜
却憐傲福類神私

汨湘日遇順風或弭楫
游覽則風為之轉蓋偶然
也先遠形之詠歌次其韻以矯之

朝艤旗亭夕釣磯溪山佳處故遲遲
酒清酒濁皆可醉風北風南初不知
敢效精誠韓吏部還如落魄杜分司
吾將弱水蓬萊去莫引扁舟又遠之

送吳彥皋歸瀏陽

可人相見惜分離屈指同舟一月期
萬卷豈為干祿計雙親正是倚門時
溪山踏雪真如畫道路逢梅便有詩
莫把壯心縈一櫂青冥勲業舍君誰

題張子玉湖山堂

洞庭湖上君山在人愛湖山不暫忘為問錢塘貯歌舞
何如騷國擅文章世間塵到尊壘少天外雲沾翰墨香
更向瀛洲方丈去回頭觀日出扶桑

庚辰元日李文遠判州訪余琅璫越三日同入長
沙值風雪不能進舟中兀坐因次文遠見贈韻

十首

落魄三生李謫仙丹墀曾見掃雲煙偶無具眼甘懷璞
會有知音莫絕絃風雪扁舟茶當酒江湖清夢夜如年

不因同值東潭渡誰寫瀟湘水墨天

投紱歸來尉已仙山林隨處領風煙詠歌行辨三千首
陶寫何勞五十絃江水帶冰留別浦梅花衝冷報新年
子長要盡追游興不為朱陵有洞天

昔在通明造列仙袖香曾惹御爐煙輸贏難盡縱橫著
緩急空調上下絃自信襟懷如白水却憐勲業負青年
鉛刀已試慚當俎何處龍光徹九天

憶昨神游挾羽仙世間遙指是非煙而今北海同樽俎

何物東山更管絃已遍九州知禹跡好專一壑老堯年
東山骨朽長沙近雲樹微茫水拍天

盧家茶碗未通仙目斷旗亭幾縷烟水調還宜綠簾舞
吳歛何用縻絲絃石龍寒瀨如三峽澤國春風又一年
但恨清漪亂柔櫓不教都見水中天

勇退人言即半仙地偏尤喜接江煙野春殘雪開雙屐
牕午清風散七絃蓬島夢回仍是客汨羅魂斷不知年
笑歌本自忘機事鷗鷺怯人飛上天

交遊已謝玉堂仙
楮袖爐深暖不煙
司馬家貧猶有壁
淵明琴在任無絃
驚心華髮成衰境
回首青雲付少年
飛出甕來還自笑
醞雞今日恰知天

莫訝詩癯似浪仙
却宜危坐看香煙
山杯不畏深如海
歸路方知直似絃
游止正當終九仞
飛鳴多愧養三年
振衣便駕長風去
天柱峰頭尺五天

處處江梅間水仙
茅簷飛雪濕茶煙
一時清興難回棹
半夜尖寒欲折絃
道路荒涼勞遠夢
光陰飄忽歎華年

定知天末相思苦人在危樓月在天

琢句功夫似學仙丹爐真火久無煙雨空野馬雲收幙
目送飛鴻手在絃客路等閒成好況水程時復問長年
後來記取論文地共對蓬牕一片天

天臨索錄事出伯庸詩求和伯庸薨三年矣

當年筆陣掃千軍要繼先秦兩漢文孤塚此時多宿草
九原何處覓停雲紀功力疾猶能賦種德詒謀不待耘
底事房精遽淪化世間凡馬未空羣

送丁學錄郴州用原功韻

鳳鱗臺閣愧何成
鷗鷺江湖却有盟
千載盛時須禮樂
六經餘事到功名
我歸老境方從學
子去修途莫計程
早晚春風滿芹藻
肯教郴泮月空明

同年張雄飛僉事見訪醉後作詩贈之

鶴磯相見遽相違
渭北江東苦夢思
四海同年幾人在
三湘春水片帆遲
踏開雲霧來驄馬
驚破煙霞聽老詩
桃李正濃風日好
不拚沉醉更何時

藕溪侯雄飛飲

柳塘花塢淨無埃
翠霧紅雲撥不開
命駕每勞千里夢
乘輶應挂一壺來
從知月下詩成苦
不似山陰興盡回
多少風光先攬得
杖藜行遍滿園苔

贈風山書院山長何明初

青山華髮分幽栖
愧子羸糧若我私
竒字不知勞載酒
清標初試勝觀詩
鶚林春色連紅杏
鳳嶺雲香有紫芝
萬里修程先跬步
春風歸騎莫遲遲

長沙北十五里瀏水至此折旋稍南而復北名駱
駝觜俗傳圓則瀏陽得魁延祐初其形嘗圓原功
瀏陽人果為魁人益異之今貢舉中止予實與聞
南游過此感而為詩

瀏水東來北折旋人云奇應在同年奎文一夕忽飛遠
沙觜何時再得圓背錦糝糊晴樹亂峰雲突兀遠山連
世間萬事非人力瀟瀟金沙更偶然

泊靳口和仲達韻

二首

湘山湘水兩無塵更值陽春播大鈞
心到懶時多好况
天教佳處著閒人
吾生已分為農圃
此去何勞問鬼神
布襪青鞋能事畢
不煩華轂與文裯

回首高軒愧後塵
從知苦窳負洪鈞
山川俯仰皆陳迹
湖海過從只故人
病裏酒杯能作祟
老來詩筆更通神
王孫底事愁芳草
政要青青當舞裯

過湘潭

江邊楊柳翠縈回
柳外人家罨畫開
一夜東風花落盡

千年華表鶴歸來暮雲山出遠浮黛春雨水添濃潑酷
莫艤扁舟訪陳迹白頭懷抱易生哀

過洲頭驛和仲達韻

一琴何用鎮相隨多事猶思遇子期好句尋常無處覓
希音今古幾人知江湖春色動杯面風雨夜寒生被池
此去衡南訪泉石蒼崖應有少年詩

廷鎮約游南岳期于淥口予先至艤舟而待因和

前韻 二首

衡湘風物要追隨
忍負虞人一會期
豈有鷓鴣倦高舉
應憐猿鶴未相知
春山暖待穿雲履
夜雨清留洗玉池
不為軒車故遲暮
淥江何日見吾詩

莫厭鵝夷到處隨
百年光景幾相期
老來仕不愁三已
閒裏金猶畏四知
船尾夜寒魚撥刺
牆頭春暖燕差池
碧雲回首湘天暮
不道相思剩有詩

深口普庵堂聽廷鎮談佛

皂蓋朱旛老釋迦
山林來治舊生涯
清陰滿座日移樹

精義入神天雨花塵事已知皆土苴山僧誰訝不袈裟
欲將洛詠從謏語又恐春風去我家

次昭靈和仲達韻呈廷鎮

十載南枝與北風而今才得一尊同人間勲業非吾事
歲晚江湖有此翁雲岫煙波醒醉眼野花汀草負春工
勝游收拾奚囊滿才信詩人道不窮

廷鎮倦於酌和作詩督之

早據文場擅老師相逢何事倦吟詩同年今日無多矣

美景良辰忍負之衡岳半天雲捧擁湘江千里柳參差
艤舟好就旗亭醉禪榻茶煙誤髮絲

衡州道中

二首

高明未到祝融峰一路風光已慰儂修竹老松三十里
遙岑疊嶂幾千重燒纏宿莽晝不滅花噴遠香春正濃
莫訝藍輿隨處歇老夫行色要從容

一舍嵯峨見五峰出奇呈秀似邀儂雲深春護品姿潤
日午人穿樹影重不遣山瓢隨我去却教村酒為誰濃

少年陳迹無尋處只有衡君識孟容

祝融峰與廷鎮觴詠有懷原功益嘗約同游而予
不能待其歸也

載酒窮躋最上峰嘯歌聲撼海濤風得陪五馬二千石
獨少三生六一翁為問北門紅日下何如南岳白雲中
寄詩幾欲申前約無奈人生似燕鴻

廷鎮三十年前為南岳書院山長今茲來游予得
侍行因成鄙句

三十年前楊洞主禹門飛去一聲雷白雲青嶂闕林在
皂蓋朱旂虎竹來歷問故人多不祿絕憐喬木是親栽
而今芳躅誰能繼塵滿臯比地有苔

贈南岳萬壽宮文天爵提點用閑閑韻

事才過眼都成夢心但忘機即近仙弱水風波三萬里
蟠桃花實六千年有人獨得道中樂無術敢為天下先
為我寄聲承慶老江南春在白鷗前

至正集卷十九

欽定四庫全書

至正集卷二十

元 許有壬 撰

律詩

七言四十首

會真觀

萬壑千品一水通東風吹動碧溶溶
彌明到處曾聯句
回老何年此補鐘
滿地暖煙生細草
半天寒雨撼長松
道人不作遊仙夢
岳市花香酒正濃

水簾洞和仲達韻

濺珠噴沫雪霏霏
怒湧雄聲動翠微
一派衝開雲峽出
兩層分斷玉虹飛
家山夢到黃華峪
衡岳寒生白紵衣
我欲濡毫寫形勝
老來才調愧元暉

壽寧宮用閑閑韻

當年鸞鶴記經過
麗錦詞華出鳳梭
京國天高黃屋近
衡山春滿白雲多
扈行屢得聯觴詠
奉祀時聞響珮珂
老我一筇雙不借
為言心事更無他

題曾原徐叔明山居

樓下田疇樓上山主人無夢到長安
鮮鱗出水金三尺修竹穿雲玉萬竿
堂構弟兄皆杞梓階庭孫子又芝蘭
瓌江精舍經營處要與斯文共歲寒

江民永香亭用廷鎮韻

夜不荒涼晝不詳一庭芳樹四時花
高情早慕陶彭澤少態都忘古押衙
窻雨翠寒迷竹影洞雲紅潤出蘭芽
人間多少黃塵路應被東風笑鬢華

鄭元翁秀野堂

屋上青山列畫圖，屋前流水響循除。
四時花竹駢生意，一片煙霞護隱居。
歲稔客來須設酒，日長耕罷却尋書。
北窗睡起扶筇出，閒看浮雲卷又舒。

張山宗知事別三十五年今始一會且辱惠詩五
首次韻答之

當時豪氣薄雲天，不位三台即列仙。
編簡古人誰勝已，雲霄交友盡忘年。
流光入鏡忽成老，世路著鞭何用先。

綠水紅蓮行入幕休忘秋菊與寒泉

息堂堂下桂槎枿晝夜常縈五色霞宗旨非傳小乘法
文章真出大方家受官俸少穩常冷問字人多酒不賒
老友睽離已三紀莫教容易答韶華

九萬修程負壯圖兔園依舊是迂儒偶乘逸興來衡岳
敢效高人泛具區夜月軒扉對松鶴春風薇蕨勝蓴鱸
樹桑五畝生涯了不用成都八百株

席珍求價售明時燕石梧臺敢自竒北海尊前著文舉南

風扇底避元規尋常得句即成樂七十休官亦太遲
放浪形骸有成筭沙鷗從此莫相疑

湘水安流不肯波湘君應喜逸人過瘦如子美吟何苦
狂比寬饒飲更多百歲儘渠為話柄四方隨寓著行窩
相逢一任頭如雪猶可相從醉後歌

和文復送別韻

京國逢人問楚湘南游誰憚道途長岳峰愛客陰為霽
沙鳥驚人集又翔夜艇載回詩夢去春衣留得酒痕香

天涯莫道分飛遠回首衡雲尚可望

叨陞左丞原功以詩為賀和其韻

干祿初心只斗升偶隨驥尾遽騫騰平生浪恃八叉手
老去敢誇三折肱玉案麻沾雲氣濕宮壺酒注露華澄
鳳池不是藍田縣却愧而今我負丞

和原功無題韻二首

夢斷春風苴菀梢月明空室見蠨蛸塵封琴岳靜聞蟻
香褪被池寒折膠白髮而今嗟滿鏡烏衣何處更尋巢

赤繩知在君侯手底用持著究易文

乾鵲何時噪樹梢著衣癡絕候蠅蛸畫圖留影鬢如漆
錦瑟收聲柱欲膠一覺十年驚蝶夢平生兩度毀鳩巢
莊周豈是忘情者不見咸恒未畫爻

和閑閑承賜土尊韻

百年聲譽滿方輿萬里遨遊盡坦途風月襟懷冰雪句
神仙官府帝王都御香騰馥沾書几宮醞流春到藥
壺我欲大書承慶事愧無椽筆似君謨

鐵笛為西曹掾孟天偉賦

夢斷柯亭月滿林却從良冶嗣遺音沉埋難蝕千年節
剛烈能鳴七竅心回老飛來洞庭晚劉翁仙去武夷深
太平不用為鋒刃吹盡人間市酒金

題沙木斯迪音成之去思碑

延祐乙卯余登第倅遼州維成之公實監郡後十七
年承乏叅議中書成之由吏部侍郎除守四明待罪
政府成之考最擢兩淮都轉運使庚辰夏五承召過

維揚始見其四明去思碑墨本益信昔之考最為不
誣也俄升浙東道宣慰使都元師開治四明邦人士
之喜當何如耶余昔同僚相得甚驩故樂道其槩而
重之以詩曰

當時同列共闕貞深幸掄材與鑑衡漕府五年書上考
海天雙節照連城春留舊治棠無恙雲護豐碑蘚不
生竹馬兒童應有語四明山水故多情

送王仲方赴彰德總管

天門魚鑰換魚符
華髮偏宜皂蓋車
愧我老非鄉郡判
喜君名入御屏書
莫憑鄴下一時語
當念民心三代初
洹水先塋滿松柏
春風餘力望吹嘘

題楊德璋崇德樓

樓頭天接玉門關
樓下河流繞賀蘭
要與聖賢同踐履
不因風月事游觀
牙籤插架三萬軸
畫棟飛雲十二闌
歲晚德符何處是
階庭玉樹倚高寒

春波小隱圖

楊柳煙深鶯未老桃花浪暖鰕初肥人生何日脫羈鞅
方外有天容布韋已辨筆床隨野艇更添茅屋傍魚磯
莫言大隱皆朝市猿鶴由來識是非

贈范堯臣赴崇陰巡檢

平生俠氣薄雲天能使聲名一日傳曾次故家兵十萬
世間新話字三千明堂杞梓憐橫道小隊弓刀試著鞭
好養排風舊毛質九霄騫翥有他年

復科呈原功

并序

自慚膚學忝與首科凡我同盟綴歐詹之虎榜問
余何事據荀勗之鳳池適丁國是之多艱莫救文
風之不競紫衣傳詔驚聖訓之如綸玉笋聯班愧
天香之滿袖忍作捧書之王旦誓為乞旅之申胥
恨無一字以解圍愈重同年之浩歎結廬在人境
我方歸隱于柴桑臨流作釣磯公欲買田于清潁
奎躔有赫天道好還御燭星辰先賁玉堂之元老
宮壺雨露繼呼黃閣之舊人為北道之遠來雪東隅

之舊耻王庭孚號政府僉謀一髮引千鈞孰能勝
此片言重九鼎子之功夫障北川之狂瀾揭中天
之華日因人成事遂收效于桑榆曰我能興竟踐
言于息壤喜而不寐詩以永歌勗爾羣材好作儒
林之晁董歸哉二老甘為聖世之巢由畧此寫心
伏希捧腹

圖書東壁久蒙埃手障西風為掃開駝背不緣公第一
魚羹無愧我重來栽培桃李非私已收拾梗楠要育材

心事以酌歸便得石田茅屋又蒼苔

糟筍和原功韻

穿林快劍截文犀
沉浸誰教遽到齊
玉版悅禪成骨醉
籜龍醅味失雲栖
此君一譜通儀狄
稚子三生是阮迷
我向楚山舖未厭
等閒那肯傳冰虀

送盧正卿赴福建運同

桂林萬里恰歸來
又遣三山二漕臺
科第人材今可數
東南民力已堪哀
牢盆久待攜春去
行李先期載月迴

九曲棹歌無用和好從雲谷問生財

時雨忽降簿書甚稀獨坐後堂王可矩右司以詩

見教次其韻

二首

翠樹雲深百鳥鳴彤闌如水嫩涼生雨聲自與詩有約
天巧豈容人強名萬里秋風黃鵠夢五湖春水白鷗盟
年來不用愁華髮尚有觀山老眼明

西廳東閣總詩鳴天籟相關觸處生京國故人多老病
洛陽才子獨聲名風雲幸際文昌運松柏休忘歲晚盟

他日江湖攜手去儘渠蚊睫有焦明

方早得雨九齡平章徵詩志喜

才覺驕陽氣鑠金便令璇極轉濃陰坐朝真有作霖手
伴食可攄憂國心一夕夢占魚兆協九天雲接鳳池深
神功帝力猶能賦都雅從教愧賀深

送宋子與赴贛州照磨

賢勞鉛槧十年期才得春風賦式微黃牒已逾毛義檄
綠袍無負老萊衣蒲帆和月載詩去芸閣分香滿袖歸

明日鬱孤臺上望白雲應是不孤飛

送楊德璋降香寧夏如來寺

何年金像峙堂堂天眷方增慧日長一旦皇華遠銜命
滿林蒼筍若為香子行又遂庭闈樂詩苦寧知道路長
為向平章專問訊暮雲春樹思茫茫

延春門對雪丞相命即席賦

岩巖宮禁接同雲寒壓東華十大塵輦轂幾年無此雪
廟堂今日有斯人瓊樓影亂三山月玉樹花驚一夕春

可笑袁安不高卧要將綿力助洪鈞

正月八日行香中心閣過王君實侍郎留酌

中心臺閣曉參差白髮遺民幸侍祠禮部尊開成一醉
皇州春到不多時空庭鶴舞能留客古鼎香銷未得詩
酒盡且歸君莫訝上元回首又休期

考官王師魯博士監試張雄飛御史皆同年也因
成鄙句以寫舊懷

仁皇下詔急求賢糠粃當時偶在前兩榜復科新大比

三人聯事舊同年
關山道路尋常夢
臺閣風雲尺五天
但使得才今勝昔
吾儕寧復歎華顛

雄飛喜作詩而例禁不得相見作詞調之

張子能詩擅士林
無時無地輟搜尋
文場咫尺不相見
春興幾多應自吟
鍊字直教成白首
知音豈待鑄黃金
何時尊酒論真訣
要自康謠說到今

至公堂即事

二首

科目中微復盛行
至公堂上寓權衡
鵠袍儼雅四百輩

鵬翼扶搖九萬程
椽筆雲雷平地起
蘆燈火徹宵明
得賢要效涓埃報
白日青天鑒此誠

五更傳鑰棘門開
巾卷于于悉俊才
萬世重儒有天在
八人承詔主文來
良金政待披沙揀
真玉休教抱璞回
早捧賢書拜天子
紅雲跬步是蓬萊

雄飛有詩次其韻

二首

句句珊瑚間木難
君才不愧鄭都官
月中有桂天何近
春半無花曉尚寒
多士文章雲五色
野人心事日三竿

松廳雅興知多少只恐毫端墨易乾

少年文戰不知難老矣常憂負縣官詩筆亂搖松月碎
席房清透栢霜寒人間跛鱉從千里海上連鰲待一竿
無奈春風笑吾輩滿堂佳客酒杯乾

用東曹掾徐仲禮韻

簾幙香凝晝景遲卿雲不動九天低百年塲屋重開設
一代人才八品題賦類長卿慙狗監車如伯厚笑鷄栖
欲知瑞應文明處夜夜寒芒爛壁奎

謝賀右丞寄蒲萄酒

幾年西域蓄清醇，萬里鵝夷貢紫宸。
仙露甘分紅玉液，天風香透白衣塵。
相君不用涼州牧，老子方懷漢水春。
自把巨羅還自酌，惜無細馬錦鞵人。

和明初蒲萄酒韻

漢家西域一朝開，萬斛珠璣作酒材。
真味不知辭麴蘖，歷年無敗冠罍珠。
方尤物宜充賦，何處春江更潑醅。
却笑無功戀門下，林田荒盡不歸來。

至正集卷二十

欽定四庫全書

至正集卷二十一

元 許有壬 撰

律詩

七言四十一首

哭甥繇寄秉彝

并序

至正壬午十月廿七日知甥繇死尚不知其何
地何時也繇生吾家先妣鍾愛其女幸其有子
鞠育勞瘁過諸孫有疾醫禱聞無不為費給不

貲不忍其歸挈之來揚州吾妹不幸卒先妣繼之東彞來赴與予同舟至九江予泝鄂東彞挈縣入洪時四歲頑健異常兒書來每稱其對客誦詩不聞其弱也予在上京使如洪因遣視縣歸言頑健勝昔歲己卯東彞挈之過鄂年十二矣身雖修長而精神若不完者心竊疑而察其故乃知東彞嘗與新夫人燕坐既筵之復使前跪至夜分不釋疾暴作仆於地數日始甦由是頑

健之態不復矣此洪醫之言也又聞諸婢無不得毆之者飲食不時粗惡不堪號飢於諸僕僕有憐而竊飼之者必遭中傷叔母者視之頗謹尋被謗讟三事予亦未敢深信而鄂之目擊者多且以二小節言之姪女嫁王氏日舉室送于其家獠僮寅孫挹釜中肉汁而飲絲亦挹之未及口婢春蘭不罪寅孫獨連擊絲首而奪其碗此阿燕之親見者也有熟客過秉彝絲先與客坐王婢杜姐之小雛保兒突來坐

縣上迫縣取茶絲意懶對客拳擊之而繼以數拳
且捽其耳不釋雖小兒素戲其色與氣俱非戲者
此蓋習見諸人之毆不以為怪也即欲理究姻事
方喧老夫亦被唇吻以故齧齒隱忍容今無恙不
欲著其姓名恐遷怒嫁禍於人秉彛偕王族之將
歸也縣旦夕泣訴於阿燕欲留武昌至言不留之
便跳入江其言有條理不類騷者又喋喋泣訴於
亡妻當時處之甚難百計甘旨誘之使悅始肯就

舟今思其言痛不忍舉似也東彞亦知之乎東
彞為人慈仁寬厚在路人且不忍肯不恤其子
乎先考妣待東彞之厚天實知之雖無奩貲君
子之於人取其心不取其物肯不善視其甥以存世
好乎區區所以有遺憾者東彞不明爾然父子之情
豈不切於舅甥而况修短有命非人之所能為
知此而又誆誆者念先妣盡瘁之無功而吾妹
一脈之遂絕有不能自己者焉乃哭之以詩曰

妹已云亡又苦甥肺肝摧裂淚如傾死生固是天無爽
翼虐還因父不明兩姓世緣從此絕吾家宅相待誰成
湓江鄂渚回頭夢滿耳猶聞泣別聲

盧溝橋

盧溝橋下水無聲半是黃沙半是冰老子還家欣又過
少年題柱愧何曾直教車馬通萬國不遣舟航泛一泓
送客漸稀容少駐西山寒翠晚崢嶸

途中即事

二首

風袂茸茸動黑貂馬行空濶不知勞
天邊紫闥人漸遠
雪後青山氣愈高一飯忘君臣豈敢
十年伴食罪何逃
鴟夷傾倒休惆悵野店青帘有濁醪

倦翼翩翩下九霄投林有路敢辭遙
邦畿天近春先覺
澤國風輕凍欲消牛背神光何咄咄
馬頭歸興正遙遙
行人不識庭筠句茅店雞聲近板橋

馬上日暮

郊原歲晚眼增明雲樹煙村隔幾層
人影漸長天欲暮

烏輪未墜月先升冥冥遠意雲中鵠碌碌何功臂上鷹
旅次不遙詩未穩儘教羸馬慢騰騰

待泮

三分春過一分期底事堅頑尚未斲土塌且為安坐計
冰山行有自消時夢回南浦添華髮目斷東風動碧漪
恰似杜陵悲去國終南清渭更遲遲

以皺皮靴贈明初

皺皮精製出龍沙曾記遼人獻宋家素質寬柔裁稱足

碎雲縈帶感成花不須一量煩曹操却笑三生是革華
願子亨衢服無數我方芒屨事煙霞

龍虎臺迎接次焦德元韻

三首

昔人曾厭薛居州却聽江南領畧秋東帛丘園勞使節
五湖煙水負漁舟病來元亮欲止酒老矣子長猶好遊
早拜君王乞身去休教散盡黑貂裘

晚風吹角入涼州塵夢驚回恰見秋雲壑周圍皆可屋
霜溪清淺不勝舟眉宇深負元德秀款段空懷馬少游

賴有三升門下酒不須輕典鵷鸞裘

自信山林已半仙山林回首又茫然闕河跋涉幾千里
雲水嘯歌纔二年輦路雲駟花接軫故山茅屋竹為椽
鳳凰池上恩波濶得似滄江理釣船

同約伯高尚書行昌平舊邑

滿目郊原是舊遊賜環恩德若為酬臺高龍虎擅多景
地有螟蝗尚半收紫氣浮闕黃屋近錦雲縈樹玉峰稠
山英多事今猶昔應笑重來兩鬢秋

友人解之昂物故已三年矣昌平縣廨壁間見其
為御史行部時詩感而次韻

漢江觴詠杳難期底事飛仙不少遲敗屋尚餘揮灑處
扁舟空記嘯歌時故家喬木有閭閻老境空房無處
泉下有知應少慰故人獨解辨哀辭

偕杜叔愚王仲武章君錫可行遊馬廷彥獨樂臺
山居廷彥出素屏求詩為書二首時九月二日甲
子久雨初霽

郊原聯轡看西城況有幽人倒屣迎一曲霜溪環老圃
幾層雲岫護佳城浮生少與良辰遇樂事今逢甲子晴
自笑匡時已無策欲從吾子耦而耕

獨樂臺邊孝子家耕田力學了生涯年豐不慮尊無酒
秋老行看菊有花甕峙墓垣逾鐵石山圍書屋滿煙霞
我來不結雞豚社試向清洄照鬢華

陳公儼有亭在鯨川東里米元章書扁曰蕭閒外
舍惜傳刻失真予既為書之且為詩曰

鯨川東里近煙村，小巧翬飛棟宇新。
不見米顛題外舍，幾如回老笑西鄰。
柳邊花塢浮紅出，桑下蔬畦潑翠勻。
世務驅人行有日，扁舟何處更尋春。

劉仲敬知州出其父同知公所書退之陳旱詩聶
夷中傷田家詩求題其後

羹塲無地不思親，况此淋漓手澤新。
兩紙文辭有深意，一門父子盡忠臣。
尋常考室真能構，多少贏金反速貧。
大勝牙籤三萬軸，轉頭都作蠹餘塵。

劉仲敬堊香亭

簷蔔林中不學禪作亭容膝俯鯨川
琅瑯多景正三月參戶有春同一天
風送幽花清不斷煙和芳草遠相連
醉翁樂處君應識更看流芳幾百年

臘日雪次房純德教授韻

四首

一宵川媚更山暉簫鼓聲中亂玉旻
天上風雲應三戍人間道路隱多歧
春方欲動成佳節重不能擎愧老枝
蜡酒醒來風味好鼎香融水煮茶時

獵場風勁日凝暉
凍捲雲旃與翠蕤
上苑花開詩一札
中天林耀戟千歧
芳叢蓄潤宜萱草
亂翠先春綴柳枝
還記口脂霑賜罷
馬寒如蛩踏歸時

雲合璇穹冷不暉
皚皚萬斛播芳蕤
慕袁高卧寧祠竈
訪戴空回勝泣岐
面藥霑恩辭北闕
宮梅攬暖破南枝
吏民飲散天無夜
是我衝寒得句時

不用登臨歎落暉
白虛光裏看歲蕤
勞農持酒光搖面
紀瑞濡毫凍作歧
三白積成千頃麥
六花開徹萬年枝

土牛且莫消寒盡留映書牕夜坐時

寄明初

四載周旋似蜚蛩如何遽作馬牛風年來涉世真啮蠟
老去攜家猶轉蓬月滿驚臺應策杖花開洹水定從公
投閒儘有娛心處最憶相知一笑同

房純德有詩贈別求和

氷泮黃流暖不清風帆催去笑浮生
病方止酒難為別
老不忘詩似好名無惠及人宜
邈世有才憐子未登瀛

鯨川漸遠洄溪近煙柳斜陽總是情

次館陶寄韓伯高叅政

白頭心折軟紅塵歸去山田恰自耘千里幾回思命駕
孤舟三過得陪君酒香梅屋春如海詩入槐莊暮有雲
好署新銜判風月只教毛穎策奇勲

城居苦多客避之野栖來者亦復絡繹閨二月二
十七日大風而雨始得獨坐終日久困諠囂偶遂
幽寂有不可名言之樂因成五十六字

千嶂松檜一川槐槐底柴門晝不開風雨孤村無客至
煙霞遠岫有詩來課童引水澆新樹力疾扶筇踏舊苔
莫羨錢塘風物好洹溪春漲綠如醅

三月十九日偕明初出郭

天光明潤物華新黃鳥間關隔岸聞嫩綠園林初過雨
老青畝谷半封雲閒人得計惟豐歲老境論交有此君
一壑一丘能事畢山英無事更移文

相下酷暑不減江南明初方思鄉以此調之

栽竹觀梅即故鄉羹魚飯稻亦尋常濕蒸著物霉生醖
炎熱攻人痲作瘡傖地翻疑在吳楚馬君寧復念衡湘
苦無一種還思否蚊蚋轟雷甯似鉞

題蜀江圖

誰收全蜀入丹青寫到夷陵至喜亭巫峽有猿秋寂寂
陽臺無雨晝冥冥蠶叢開國不平水賈客泛舟如建瓴
聖世無分南與北朝宗回首遠滄溟

白公嚴檢校自任城訪予相下首謁先公塋感其

高義作詩謝之

扁舟千里淡相尋不愧前人命駕心
歲晚江空豈乘興調高絃在有知音
光增杞菊雙崖月香動松楸十畝陰
村酒未釀詩未就碧雲紅日半規沉

公嚴寓乾明僧舍夜坐誦洹阡新作次其韻

今日禪關為子開絕勝九客暫天台
佳人有約寧辭遠清興無窮未許回
取醉憑誰釀滄海忘形隨寓即蓬萊
葛藤拈起三生句萬水千山得得來

雄飛同年自杞縣來訪尊酒論文時雪適降

林慮寒翠滴漳濱歲晚過從感故人天下多才寧少我
人間有雪更無塵錦囊滿貯瓊瑤句玉斚濃浮琥珀春
湘雨燕雲論歲月白頭休厭往來頻

夜坐與雄飛明初聯句就次韻

天風浩浩鴈聲乾霜月娟娟鶴影寒有士夢遠雲衢毛

質在詩成雪屋篆煙殘翔十年黃閣雙蓬鬢萬古青山

一鷗冠熙情話未闌雞促曉回頭冰雪踏漫漫有士

硯池凝玉凍毫乾笑語生春頓不寒世路多岐雙屐在書
囊無底一燈殘故人相會須投轄老境何求不挂冠
學得屠龍將底用令人千古笑砰漫

入春雨雪凡三浹旬乃二月九日甲子開霽喜而
賦此

春風彌月六花稠誰遣東風一夕收赤地免為千里旱
黃雲應見雨岐秋陰晴何與山林事豐歉猶懸口腹憂
明日西疇有餘力傍花隨柳徧吾州

婢飼鴈逐鶴感而成詩

鶴長鳬短久難齊底事身長反受飢
曼倩恃才方自售
侏儒求飽欲何為
九臯風露聞清唳
萬里雲霄有去時
臧獲凡庸那問此
只知鹽漬卵累累

有懷江夏別業

翠鵠山前鸚鵡洲
眼中風物夢中遊
手栽松菊成三徑
御賜詩書滿一樓
勝地方將專相土
老懷無奈憶并州
此身天幸成閒散
陸有輕車水有舟

赴召入京諸公餞飲洹水橋

柳拂輿梁雨漲波謁阡行稼幾經過又為擾擾馳名者
其奈遲遲去魯何病後壺觴驚量減老來兒女轉情多
慇懃寄謝漁樵友未許塵埃暗綠蓑

京師送馮景仲赴江西儒學提舉

保釐江右重文衡多少師儒望典刑六載成均時雨化
九科豪傑曉天星懷人南浦多新句訪古東湖有小亭
我亦從君鴻鵠舉都門楊柳正青青

送胡古愚致仕歸金華次其留別韻

天上故人羅祖夢中稚子候衡門
君王深憫七旬苦忠義難忘一飯恩
白髮朱衣相照映青山華屋兩生存
便尋起石為羊處却笑牛車困子孫

迎梅

次楚寶臣待制見寄韻

練悅飄飄翳縞裙雪天羅襪不生塵
蓬萊宮裏才領使白玉堂前便有春
叙舊正宜金縷曲忘情誰是鐵腸人
素娥不訝吾衰老却羨詩成字字新

送梅

同前

肯將冰玉混紅裙
凡卉從教逐後塵
南浦只今同是客
東君何事不留春
天涯遠意難為別
夢裏餘香尚襲人
好在西湖上路白
頭相見更如新

至正集卷二十一

欽定四庫全書

至正集卷二十二

元 許有壬 撰

律詩

題駐蹕頌後

翰長開府公請賦

明良千載一相逢
駐蹕原頭耀國容
華表不歸遼海鶴
雲車應逐鼎湖龍
元勲世豈碑傳信
厚德天教子亢宗
回首西郊瞻宰木
懷賢誰道涕無從

至正丙戌十一月廿三日瑞雪盈尺明日恭遇太
子千秋節稱賀于徽儀閣翰林長開府公惟中右轄
徵詩即席賦五十六字

甲觀嵯峨拱紫宸瓊瑤一色瑩無塵前星正次千秋節
瑞象先開萬彙春已兆豐穰在來歲肯教疵癘到吾民
詞臣不獻梁園賦毓德方期日日新

題武衛段指揮書林

相府深沈書若林牙籤插架列森森千枝萬葉本根在

二帝三王雨露深
搢翳斯文功利學
棟梁來世聖賢心
經殘百氏紛紛出
慎勿輕栖惡木陰

題廣平何文美養浩齋

操舍存亡貴自知
一齋容膝有餘師
神龍淵底潛珍處
文豹山中隱霧時
要使尋常塞天地
休教物慾間毫釐
相門堂構非難事
希聖功夫在有為

用原功韻贈衡雲上人

衡湘曾聽棹歌聲
夢裏雲烟畫不成
京國秋風添白髮

楚鄉春雨負黃精浮圖桑下寧無愛道士山中素有情
何日霜華約歐子三人相對話平生

天山牛文貴母王氏貞節

皇元聲教洽無垠節孝章章萃一門百世天存遺腹子
九原魂屬未亡人有生恨不識父面罔極安能報母恩
御史作文今太史汗青應見特書新

省掾郝志道父潤甫慶八十五壽

滄海橫流獨奠居子孫枝葉日扶疎春秋介數八十五

桑梓歷年三百餘郎署聲華聊簿領家庭陰德更詩書
聖朝行有蒲輪召莫羨鄉閭下澤車

追和文山丞相題珩夫劉先生北莊詩韻既以弔
文且以悼珩夫之不用于世也 鄒魯望請賦

國勢中流待一壺策廷蚤已見雄圖北莊歌詠聲未絕
南海播遷塗又殊賢士傷心多草野神州回首遂荒蕪
千金墨蹟宜珍護斯世斯人更有無

鄭畋檢討母李氏孝節

終身冰玉凜操持已見筭年翦髮時華表撐空旌大節
蒼天福善與佳兒於陵但取居容膝德耀惟知案至眉
珍重傳家遺稿在靜方豈是等閒詩

前衛張指揮母郭氏貞節

節婦天常豈過稱皇家彰善樹風聲百年偕老已無望
一子未暮今有成鈿軸金泥光暮景雪松霜栢見孤貞
板輿周覽王畿近多少春和在柳營

偕拔實彥卿奉使光熙門外觀荷

帝城東北水雲鄉
馬上清傳十里香
萬柄雨聲秋信早
一壺天影月波涼
紅粧翠蓋無窮意
畫省烏臺有底忙
雪藕調冰鮮鮓膾
人間何物夢黃梁

題齊河訾氏壽慶堂

椿翁八袞少三齡
九九萱親不杖行
已見一門鍾瑞慶
誰能多壽復康寧
春融蘭玉增華彩
雲矗桓楹揭姓名
不有賢郎事揚顯
他年編簡若為青

題山陰丁鍊師陽明樓追和閑閑宗師韻

人間朝徹對扶桑不比中庭月一方白日青天當正午
碧挑瑤草被餘光雲間萬象無陳迹鶴返三山有報章
咫尺蘭亭遺址在好尋仙子共流觴

和神保欽之御史監試上京韻二首

王室銘勲有景鍾更於韋布索英雄百年人物誰名世
萬卷詩書要策功聲教真機朔南暨文章公器古今同
棘園見說清霜滿餘力成詩字字工

寸筵未許扣鴻鍾筆陣那無一世雄蜃海曉騰文有氣

鴈霜寒早酒無功朝廷求士方如渴道路論心久益同
安得真才出連茹一時分布徧臣工

和原功釣臺寄李好古韻

延祐求賢致太平朝陽曾記鳳凰鳴百年世路傷離合
一代斯文係重輕江海相望添白髮山林高蹈奈蒼生
可人幸遇吾鄉彥袖得清風入帝城

追和王繼學韻贈韓久成

水貴藏魚亦貴清舟須容物又須行六經三尺相終始

一羽千金各重輕事業期人陋東晉文章老我愧西京
紫垣星月薇香裏應記霜風翠栢聲

題臺都事石文禮孝行詩卷

孩提失怙母勤劬三釜才登恃又無創鉅始知臺上峻
淚漫都入栢枝枯身名顯後今猶及桓表凌空本不圖
自古忠臣有原抵孝誠先著德充符

和黃雲川韻送盛啓宗歸長沙

陸有闕山水有波子行豪氣不消磨跳梁偶值孫升木

訛舛終明豕渡河杉栢色隨新字盛藻片香入舊池多
却憐萬里衝寒去欲贈綈袍愧兩娑

題鄱陽張文叔樂壽堂

愛日長思不我延當時毛檄亦徒然有田底用求三釜
致養惟知盡百年結屋地兼山水勝承顏天賦子孫賢
何當推此堂中樂四海人家共一天

題李好古浴雪齋

厨傳蕭然閱歲華守官何暇及生涯浴兒肯用人間水

東縕旋融天上花自是蒼黃時便手却成清白世傳家
勉旃好應豐年瑞更篤忠貞玉不瑕

題鄭州霍彬卿遜齋

諸君談易極玄微老子惟知遜是歸兄弟在官吾亦貴
田園成趣歲無饑逃空已分譏迂僻充隱由來有是非
莫訝題詩人未去白頭萬事已忘機

題胡安道詩卷

奕世窮經只布衣諸孫毛質漸橫飛故人落落悲年邁

孝子拳拳欲父歸
冰雪歲寒椿未老家山
春暖巖應肥
蹇予綿力慚推轂
未忍隨人和式微

題朱舜咨總管德政詩卷

魏公三至福斯民
今見真才繼後塵
千里秋原均樂土
一時寒谷便回春
空教渤海傳龔遂
爭似吾鄉待買臣
竊祿逾涯歸已晚
受廬何幸作閒人

次韻癸未留題獨樂臺二首

萬疊西山畫不成
飛嵐馬首故相迎
之人松菊有三逕

卷二十二
何處雲霞更五城門外清波浮石出天邊紅樹照霜晴
白頭已是歸來晚敢戀皇家祿代耕

一生奔走歎無家才到山巔與水涯無秫可供千日酒
有園須種四時花已從野老鋤黃菊更學仙人咀絳霞
老馬同歸誰忍遣幾年霜雪立東華

題善應郭思誠山居次杜德常左司韻

老仙不肯住城市只在西巖深處藏靜院晝閒苔不埽
小園秋盡菊猶香有田種秫如陶令生子攻書勝陸莊

便好相從結茆屋休教夢到五雲坊

和黃仲剛韻三首

公道會逢天定日倦游姑憩歲寒時故人叨貴奈無位
吾子不窮方有詩士論聲光高北斗春風消息到南枝
老當益壯況未老莫和淵明歸去辭

乘流我惜經時別過坎天教數日留有路御風歸閬苑
無人看月在鄜州驚回曉夢猶如見勘破塵緣不用愁
但使此心無愧怍孰為稷契孰巢由

知己相逢差可樂浮生多事不須論青雲場屋傳三策
華髮江湖付一尊朝暮詭言憐草賦古今癡夢笑槐根
感君高誼均同氣衰病何堪擬玉昆

千戶蒙古敬臣棄職養母

幾年弓劍戍龍沙忍見堂萱夢裏花身老有親供子職
人生何福似君家但將綵服娛黃髮底用金符照白麻
嗟我同庚成永感洵肝風樹滿啼鴉

滄陽唐伯春義門

淦水悠悠照紫荊一枝枯悴兩枝榮春風能使花如舊
粵藥行看世有萌今古彛倫星日在田廬遺產羽毛輕
勉旃繼嗣承先訓莫遣謠傳粟布聲

送張困亮鍊師

并序

予養病鄉廬簡出入獨謁阡不免阡距城西北餘十里
道北郭實南北孔道每為驛使識陪留多事故出入必
以星至正己丑三月二十一日謁阡歸過洹橋數騎追
及天已星猶懼其或我識側帽緩轡道左以俟其過前

驅已前俄聞揚言此中丞邪亟來見乃困亮張君鍊師
代祠武當馳驛而到此也明日過予出京師錢章詰曰
出京時念必過相一見虛前紙請言幸勿靳予交閑閑
太宗師與其徒多熟困亮主京師東岳祠園杏千株人
境俱勝送客東門若自公有暇即造焉困亮修潔能詩
見則徜徉忘返別一年矣當予避客時輟擊肩摩中天
復已暝乃邂逅相遇豈偶然哉遂不忍以疾辭贈之詩曰
杏園陳迹夢暄妍馬上相逢豈偶然每憶可人如隔

世不聞新句又經年花迎驛路飛紅雨香到朝山散紫
烟王事遊方歸有日遲君洹水白鷗前

和董北字鍊師寄來韻

茶餘扶杖聽幽禽荷貢清香柳送陰無秣在田猶嗜酒
有絃供耳未忘琴仙山雲霧夢纔見人海波濤晚更深
何日代祠因過我林中同看翠千尋

大雨後行洹堂

遠岫雲銷凍雨晴溪旁村落逕初成避人白鳥一雙去

留客黃鸝千百聲
林杪浮槎懸不墜
岸邊高柳卧相撐
伊誰一問田家苦
土釜無烟屋盡傾

送蕭克復赴濱州知州次留別韻

憂民寧恤甑生塵
一郡安危繫一身
筐筭但知三尺法
詩書須作萬家春
交游去我年年少
事業期君日日新
早晚政成應峻擢
直教風節過埋輪

用楨韻二首

城西風物擅安陽
鄉社而今債已償
自笑衣冠成野逸

更從花柳看時粧
酒沾松露涓涓冷
詩入荷風字字香
莫道年來無事業
等閒成就一天涼

半畝方塘學紫陽
道心未瑩賞心償
蝶飛已悟三生夢
蓮褪猶存半面粧
四座賓朋連日醉
一朝風雨滿城香
人間政爾愁炎暑
誰信吾亭有許涼

七月二十五日圭塘獨坐二首

我作圭塘未及年
眼中生意浩無邊
三秋未半荷沃若
一日不來心歉然
自古人生求適意
只今先務是歸田

管絃何似埴簾韻此去新詩幾百篇

西郭圓亭近市廛市廛雖近足風烟陶家事業惟栽柳
周子襟懷託愛蓮莫向人間為白眼試從水面照華顛
悠悠千古滄浪意時上扁舟自扣舷

次韻可行對景書懷

觥船時泛一橋通詩壘誰能四面攻官業向來慙桂下
仙遊隨處是壺中風聲細細來雙檣波影澄澄見七松
笑傲滄洲人老矣功名付與黑頭公

次韻可行鄉友具宴

相望不隔一牛鳴
樽俎過從見至情
荷露清涵芳酒氣
松雲寒遏艷歌聲
高車駟馬初無意
白酒黃鷄舊有盟
醉晚烏紗從露頂
絕勝前日縛塵纓

次可行侍行韻

卜築何如履道坊
千紅萬綠浸銀塘
要回衰境為全盛
却使閒人號最忙
活水清園容膝屋
新篁高出及肩牆
烟霞遮斷塵埃路
繞覺山林白日長

游秋口趙文卿窟室次可行韻

穴居雖隘此心寬敢學溫公但自安
巖腹蝸廬穿窈窕
山腰蛇逕上盤盤
門無魚鎖墉無鼠泥有龍蟠
棘有鸞
我更巢松洹水上從教鄉里作奇觀

秋口小酌用可行韻

山林朝市馬牛風今日歸途信不窮
犬吠鷄鳴兩村近
水光山色一尊同
荻花經雨半垂白
藜葉未霜先試紅
但惜親朋凋謝盡
碧雲回首又江東

食羸

老饕饑腹未成雷何事搜窮及互狸
器潔殼鮮明錯落
鉞銛肉細出縈回周官曾用供王祀
離象還能作我腍
縱乏魚羹心亦足敢求香甲共鸚杯

次韻可行偕故人泛舟

駭浪船歸百技收回頭人海自沈浮
幽閒時作蕩舟劇
疎懶猶能與客遊紅蓼白蘋鷗鷺國
清風明月鳳麟洲
諸君更約源源會不泛黃花不算秋

庚寅歲新正信筆

萬事無心綽綽然不知寒暑自推遷園池才治三三徑
歲月俄驚八八年晚境偷安難報主瘦田謀食尚祈天
圭塘觴詠多餘力時為西山一着鞭

七月二十二日與明初教授同車游圭塘

一別音容歲兩除圭塘今日遂同車竹生晚筍方無盡
荷送秋香尚有餘清景迫人宜杖屨嫩涼隨雨入郊墟
朝游夕話君休倦明日湘江託鯉魚

和蕭克復寄來韻

身退心閒地復優崑崙何用訪神州寧教愚婦侮季子
休作具臣如再求田少誰供千斛酒臺高天與四山秋
幾時同鼓圭塘棹盡洗懷人兩處愁

次韻可行久雨松竹皆黃

誰教淫雨害吾松更偃窻前竹幾叢晚景盤桓方取友
經年培植已成功堅貞未許移天性光霽行將藉曉風
珍重歲寒心事在却憑孤月照霜空

明初畜佳猫愛之甚至每次遡逸去作詩言之

橐方告穴又墉穿聘得狸奴小似拳膝上手摩過子女
案頭躬飼輟肥鮮初來跳戲旋牀側漸至凝冥坐窻邊
守器保衣皆有效偷鷄溺屋總無愆論功除害均隣室
隨主還家暫客船豈意騫騰才一日虛勞調養已經年
孟存殘飯愁其餒座見餘毡憶爾眠雖豁大觀諳失馬
尚縈癡夢在含蟬詩書委積將誰護道路分離亦可憐
湘水魚多嗟薄分瀟村犬惡恐難全空陪義甫柔為害

不及昌黎乳有傳才子多情入莫訝著簪今古共悽然

至正集卷二十二